



Tuhaqtitjutaa

Hivuliqti Aariak:

**Quviagivlugu Tikkuarutaat uumunga Federal Atanilluaq
Aivaqatigiiktughauyuq Inmiguuqtaliqpallianikkut
Unalu**

**Tikkuaqhugu Mr. David Akeeagok uumunga Kavamanga Nunavut Atanilluaq
Aivaqatigiiktughauyuq**

**Qiqaiyaqluaqvia 22, 2012
IQALUIT, Nunavut**

Hivuliqti Eva Aariak ublumi tuhaqtittiyuq uumunga tuhaqtitjutikhamik:

“Quviahuktunga taimaa Kavamanga Kanata tikkuahingmata kanatami aivaqatigiiktughauyumik inmiguuqtaliqpallianikkut.

Aghut havakpiakpaktunga inmiguuqtaliqpallianikkut titirainut qaangiktuni amihuvyani tatqiqhiutini tikkuaqhinnikullu kanatami aivaqatigiiktughauyumik naunaitkutaa angiyumik havaktauyamut hivumut kavamariyaptingnut aghuurutait inmikkut pivallianikkut Nunavunmi.

Quyagiyumayara Kanatap Angayuqaaqyuanga Harper aghut havakpiakpakmat hakugikhiyuuminahugittugu kavamaliqinikkut uumani Kanatami Ukiuqtaqtumi, unalu Nunavut Tunngavikkut Timinga paanariirutigiyainut ikayuqhpiakpakmatalu uumunga Nunavunmi inmiguuqtaliqpallianirmut. quyagiyumayara Ministanga Nunaqaqqaqhimayunut Havakvia unalu Ukiuqtaqtumi Pivallianirmut Kanatami, Nanngariyauyuq John Duncan, aghut ikayuutigiyaanut havaktauyakhani hivumuurutikhamut.

Quviahuktunga tuhaqtittiyumavlunga una Mr. David Akeeagok havaariniaqtaanut uumunga Kavamanga Nunavunmi Atanilluaq Aivaqatigiiktughauyuq inmiguuqtaliqpallianikkut. Mr. Akeeagok havaarihimmajaanatqaa havaani tadjja uumunga Ministaup Tuglia Avatiliqiyikkut, havaarilikniaqtait havaariyakhhat uumunga Nunavunmi Atanilluaq Aivaqatigiiktughauyuq aghut ikayuqpiaktunut ukunanga Inmiguuqtaliqpallianikkut Havakvia talvani Kavamaliqiyikkur.

Nunavunmi nunanginnut nunamilu pivikhainut naminiriyait Nunavunmiutat pivalliatjutigilugit munarilugillu atuqlugit piyumayaptingnik pilluagakhannullu. Piffaaklugit pitjutikhat ihumaliuqnikkut qanuq nunagiyaptingnik pivikhaptingniklu munariyauvaktanut tugliuyuuq piyakhani inmikkut pivallianirmut Nunavunmi. Taimaatut nangminiqsurniq – inmiguuqtaliqpallianikkut – havaarihimmajaanatqait kavamaptingni pilluagakhani.

Aivaqatigiilirumayugut ihuaqtumiklu havakluta havaqatigilugu Kavamanga Kanataup nutaaq tiikuaqtauyuuq Atanilluaq Kanatami Aivaqatigiiktughauyuq, Mr. Dale Drown.

Pivalliyuliyiyikkut inmikkut pivallianahuaqtaavullu naunaiknaiqtuuq angirutiqalikluta nuutirnirmut nunamik munaritjutinut havaktauyakhanut Nunavunmut.”

###

Naunaitkutariyait David Akeeagok:

Tuhagakhanut Uqaqvikhaq:

Emily Woods, Tuhagakhanut Titiraqti
Havakvia Hivuliqti
Kavamanga Nunavut
(867) 975-5059 Qaritauyakkut: ewoods@gov.nu.ca

Kangikhitjuraa

Inmiguuqtaliqpallianikkut nuutirniq angirutinut Kuin nunagiyainut, nunamilu ittunut, ukunanga Kavamanga Kanata ukununga Kavamanga Nunavut. Tadja, kanataup kavamanga iniqtirutaanut ihumaliurutikhaqaqtut tahapkununga amigaitqiyaanut 80 pusatmut Nunavunmi nunagiyainut, maniliurutiginiaqtaillu kituniklikaak nunami pivalliatjutinut tahapkunani nunani.

2008-mi, Kavamanga Nunavut, Nunavut Tunngavikkut Timinga unalu Kavamanga Kanata katittutik sainiqhiyut uuminga *Nunanut Pivikhanullu Inmiguuqtaliqpallianikkut Aivaqatigiigutikhanut Qanuriliurut*, aullaqtirutait aivaqatigiikpallianikkut aullaqtirutainni.

Ayuiqhimayangit tamainni pingahuni nunani naunaittuq aullaqtirutikhanut katitlutik aivaqatigiiklutik. Yukon-mi aivaqatigiigutit pihimayut 7-ni ukiuni. Tikitkayakhugu qullit ukiut aivaqatigiikpakhutik, NWT-kut piyaat Hivulliq Angirutauyuq uumani Ubluqtuhinirmun Aullaqtirvia 26, 2011.

Talvani 2011-mi Katimakyyarutaani, Nunavut Tunngavikkut Timinga katimayit tamaita kaangiktitaat nirurutikhaq pitquivlugit uuminga inmiguuqpallianikkut angirutikhamik munariliklugit Kuin nunainnik pivikhaniklu talvanga kanataup kavamanganit ukununga Kavamanga Nunavut utaqqihuiqlutik. Naunaikhiyumaguffi inmiguuqtaliqpallianikkut, qaritauyakkut takuyakturlugu:

<http://www.eia.gov.nu.ca/en/Devol.aspx>